

远，故曰远血，是也。黄土汤温凉并进。以血之下泄，久久必生燥热也，故用地黄、黄芩、阿胶以润而清之。以脾脏之虚寒下陷也，故用甘草、白术以补虚，炮附子以散寒，更用灶中黄土以去湿，而其血当止。

## 120. 吐血

尝见同乡韩筠谷治红木作吐血证用此方(即泻心汤)。一下而吐血立止,盖亦釜底抽薪之旨也。

【按】《金匱》曰：“心氣不足，吐血衄血，瀉心湯主之。瀉心湯方：大黃二兩，黃連黃芩各一兩。”

曹颖甫曰：太阳标阳下陷，则心气以不足而虚，气结成痞，与阳明燥气相合，则大便不行，燥气上迫于心，则心气愈形不足。燥热上冲于脑，则病衄血，大肠燥热挟血海之血上出于口，则病吐血。方用芩连大黄引热下泄，则心脏以不受熏灼而自舒矣。

## 121. 蛔虫病

蛔厥非手足逆冷，乃心下暴痛，病者目珠上出，瞑然若死之谓。间亦有痛极而手足冷者，要其名之义，正不在此也。按此证丸药不效，不妨改丸为汤。曾记无锡强福全未病肠痛时，先病腹痛，痛无定时，忽作忽止，知为虫，已服丸半斤矣，痛如故，后即改丸为汤，二剂而瘥。

【按】丸者缓也。汤剂效速。

先母侍婢

始病吐蛔，一二日后，暴厥若死，治以乌梅丸，入口即吐，予用：甘草五钱，先煎去渣，以铅粉二钱，白蜜一两，调饮之，半日许，下虫如拇指大者九条，其病乃愈。

【按】《金匱》曰：“蛔蟲之為病，令人吐涎，心痛，發作有時，毒藥不止者，甘草粉蜜湯主之。甘草粉蜜湯方：甘草二兩，白粉二兩